

INUIT ATAQATIGIIT

Inatsisartuni



20. juli 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naalakkersuisut sineriammi najugaq qimannagu ilinniaqqinnissamut annertusaanissamik pilersaaruteqarpat?**
- 2. Naalakkersuisut isorliunerusuniittunut najugaq qimannagu ilinniaqqinnissamut annertusaanissamik pilersaaruteqarpat?**
- 3. Najugarisaq qimannagu ilinniaqqissinnaanerup annertusarnissaanik Naalakkersuisut pilersaaruteqarpata qaqugu aallartinneqarsinnaanera, ilinniakkallu suut naatsorsuutigineqarsinnaappat?**

(Inatsisartuni ilaasortaq Mikivsuk Thomassen, Inuit Ataqatigiit)

Tunggavilersuut:

Isorliunerusuni najugarisaq qimannagu ilinniaqqissinnaanerit annertusarneqartariaqarmata periarfissarsiuunneqartariaqarput. Ukiorpassuarni aaliangersimasunik suliffeqarsimasut arlaqarput suliffimminnut tunniussimasut kisiannili ilinniaqqinnissaminnut illoqarfitsik qimallugu periarfissaqarujussuannngitsut aningaasarsiaallu aaliangersimajuaannarlutik ilinniarsimasuunikkut iluaqutaasinnaagaluarlutik.

Nunaqarfinnilu najugarisaq qimannagu ilinniaqqissinnaanerit periarfissarsiuunneqarnissaat nunarput taama isorartutigitillugu periarfissat ugartorneqarnissaat.

Kalaallit nunaat tamaat isigissagaanni taama kollige-assaaleqisoqartsigisoq praktikkerfissaaleqisoqartigisoq suliffimminnik sulisooreersut ilinniaqqinnissaminnut periarfissarsiuunneqarsinnaammata.

Apeqquqtit ullut suliffiusut qulit qaangiutsinnagit akineqarsimanissaat kissaatigaara.